



## Kæra skólasamfélag

Þá hefjum við leikinn aftur að loknu páskafríi og vonandi hafa allir átt ánægjulega frídaga. Aprílmánuður verður að mestu hefðbundinn en dagana 10.-11. apríl breytum við þó út af hefðbundinni stundaskrá nemenda og vinnum að þemaverkefnum. Það er venjulegur skólatími hjá nemendum þessa daga. Svo er langt helgarfrí hjá nemendum dagana 18.-22. apríl en við gerð skóladagatala vetrarins voru settir tveir starfsdagar sitthvoru megin við sumardaginn fyrsta. Með þessu var búið til svigrúm fyrir námsferð starfsmanna skólans en hún verður farin til Ítalíu þar sem m.a. verður fræðst um notkun hugleiðslu og núvitundar í skólastarfi. Þarna er um að ræða undirbúning á innleiðingu á einum þeirra þátta sem dregnir voru fram í stefnumótun skólans sl. vetur og hugmyndin er svo að kynna núvitund markvisst fyrir nemendum og nýta hana í skólastarfinu frá og með næsta hausti. Með bestu kveðjum úr skólanum og von um skemmtilegan og árangursríkan aprílmánuð hjá okkur í Hörðuvallaskóla,

Ágúst Jakobsson skólastjóri

## Úr læsisstefnu Hörðuvallaskóla - mikilvægt hlutverk heimilanna

Mikilvægt er að forráðamenn séu meðvitaðir um það lið sem þeir geta lagt börnum sínum varðandi nám þeirra. Niðurstöður rannsókna hafa sýnt að þátttaka foreldra í námi barna sinna hefur ótvíræð jákvæð áhrif á gengi þeirra í námi, en þó sérstaklega varðandi læsi (Rósa Eggertsdóttir, 2008). Það skiptir miklu máli fyrir börn að eiga sér góðar lestrarfyrirmyndir, að sjá foreldra sína og aðra fullorðna lesa og að lestur fléttist inn í daglegt heimilislíf. Lestarpjálfun á heimilum skiptir sköpum í að barn nái tókum á lestri. Gera þarf ráð fyrir 10 – 30 mínútna daglegri lestrarstund heima (a.m.k. 5x í viku) þar sem barnið fær fulla athygli. Einnig er mikilvægt að lesa áfram saman heima og ræða lesefnið, þó barnið hafi náð tókum á lestrarfærni. Við það að lesa og hlusta á aðra lesa er barnið ekki bara að þjálfa lestrarfærni, heldur einnig að byggja upp orðaforða, festa stafsetningu í minni og öðlast góða máltilfinningu.

## Varðandi umsóknir í Vinnuskóla Kópavogs

Opnað var fyrir umsóknir í Vinnuskóla Kópavogs fyrir sumarið 2018 þann 1. apríl og er umsóknarfresturinn til og með 1. maí nk. Hægt er að sækja um á heimasíðu Kópavogsbæjar ([www.kopavogur.is](http://www.kopavogur.is)). Öll 14 - 17 ára ungmenni, sem búsett eru í Kópavogi og sækja um starf hjá Vinnuskólanum, munu fá vinnu í sumar eins og undanfarin ár. Starfstímabil Vinnuskóla Kópavogs er frá 21. maí – 9. ágúst. Breytilegt er eftir árgöngum hversu mikil vinna er í boði og hvernig tímabilum er háttað. Aðeins þeir sem skila fullnægjandi umsókn fyrir 1. maí geta vænst þess að hefja störf á réttum tíma. Ætlast er til að foreldrar/forráðamaður og unglingar fylli út umsóknina í sameiningu. Allar nánari upplýsingar um Vinnuskólann, vinnutilhögun, laun o.þ.h. er að finna á slóðinni: <https://www.kopavogur.is/is/ibuar/daggaesla-og-skolar/vinnuskoli>

## 5. sæti í riðlinum í Skólahreysti

Þann 21. mars sl. tóku nemendur okkar þátt í keppni í Skólahreysti og stóðu sig aldeilis þryðilega. Okkar fólk lenti í 5. sæti í sínum riðli en í honum kepptu 12 skólar. Það var Varmárskóli sem fór með sigur af hólmi í riðlinum, í öðru sæti varð Lindaskóli, Garðaskóli í þriðja sæti, Álfrólsskóli í fjórða og Hörðuvallaskóli í fimmta. Á myndinni má sjá liðið okkar sem var okkur sannarlega til sóma, þetta eru þau Telma, Óskar, Sverrir, Tryggvi, Steinunn og Thelma.




## Ari Þróstur í 2. sæti í Pangea keppninni

Úrslit Pangea stærðfræðikeppninnar á Íslandi fóru fram þann 17. mars sl. Við í Hörðuvallaskóla áttum 8 keppendur í úrslitakeppninni sem var glæsilegur árangur hjá okkur fólki, en í úrslit komust 89 nemendur af landinu öllu. Að lokum fóru leikar þannig að einn af okkar nemendum náði verðlaunasæti en það var Ari Þróstur Arnarsson í 8. bekk sem hafnaði í öðru sæti í flokki 8. bekkjar nemenda. Innilega til hamingju með árangurinn!



Sun	Mán	Þri	Mið	Fim	Fös	Lau
	2.  <b>Páskafri</b>	3. Nautahakkabuff m/ kartöflumús, brúnni sósu og týtuberjasultu. Salatbar og ávextir.	4. Píta með rifnum kjúklingi, grænmeti og pítusósu. Ávextir.	5. Léttsaltaður þorskur m/ smjöri og soðnum kartöflum. Salatbar og ávextir.	6. Íslensk kjötsúpa m/ lambagúllasi, rófum, gul- rótum, lauk, hvítkáli, kart- öflum og íslensku banka- byggji. Ávextir.	7.
8.	9. Ýsa í orly m/ soðnum kartöflum og kokteil- sósu. Salatbar og ávextir.	10. Pylsur með öllu til- heyrandi. Ávextir.  <b>Þemadagur</b>	11. Skyrdrykkur og skinkuhorn. Ávextir.  <b>Þemadagur</b>	12. Heimalagaður ofnbakað- ur þorskur í karrýsósu m/ brúnum hrísgrjónum. Salatbar og ávextir.	13. Nautahakk, linsur og heil- hveitipastaskrúfur í rauðri sósu. Salatbar og ávextir.	14.
15.	16. Gufusoðin ýsa m/ bræddu smjöri og soðnum kartöflum. Salatbar og ávextir.	17. Hrísgrjónagrauttur m/ kanilsykri, rúsínum, lifrarpylsu og blóðmör. Ávextir.	18.  <b>STARFSDAGUR</b> <b>Dægradvöl opin</b>	19.  <b>Sumardagurinn fyrsti</b> <b>FRÍ</b>	20.  <b>STARFSDAGUR</b> <b>Dægradvöl lokað</b>	21.
22.	23. Fiskibollur m/ brúnni sósu, soðnum kartöflum og rabarbarasultu. Salatbar og ávextir.	24. Grísastrimlar m/ brúnum hrísgrjónum og súrsætri sósu. Salat- bar og ávextir.	25. Carbonara pastaréttur m/ heilhveiti-penne og baconi. Ávextir.	26. Heimalagaður plokkfiskur m/ rúgbrauði. Salatbar og ávextir.	27. Úrbeinuð kjúklingalæri í grillmixi m/ brúnum hrísgrjónum. Salatbar og ávextir.	28.
29.	30. Ýsa í raspi m/ soðnum kartöflum og kokteil- sósu/tómatsósu. Salat- bar og ávextir.	<b>Muna:</b> <ul style="list-style-type: none"> <li>• <b>Frí hjá nemendum dagana 18.-22. apríl, dægradvöl er opin 18. apríl.</b></li> <li>• <b>Hnetulaus skóli - engar hnetur í nesti eða matvæli sem innihalda hnetur!</b></li> <li>• <b>Heimanámsaðstoð á aðalsafni Bókasafns Kópavogs á þriðjudögum kl. 14:30-16:30 en á Lindasafni á fimmtudögum kl. 14:30-16:30</b></li> <li>• <b>Útivistartími: Börn, 12 ára og yngri til kl. 20.00. Börn 13 til 16 ára, skulu ekki vera á almannafæri eftir klukkan 22.00, enda séu þau ekki á heimferð frá viðurkenndri skóla-, íþrótt- eða æskulýðssamkomu.</b></li> <li>• Staðfest skóladagatal skólaársins 2018-2019 má nú finna á heimasíðu skólans á slóðinni: <a href="https://www.horduvallaskoli.is/static/files/2018-2019/skoladagatal_2018_2019.pdf">https://www.horduvallaskoli.is/static/files/2018-2019/skoladagatal_2018_2019.pdf</a></li> <li>• Skólastarf haustið 2018 hefst þann 23. ágúst með skólaboðunardegi</li> </ul>				

Lúsin er  
alltaf á  
ferðinni...



Það þurfa allir að  
kemba reglulega!!